



Bwana Mungu akachipusha katika ardhi kila mti. —**Mwanzo 2:9.**

Katikati ya bustani, karibu na mti wa uzima, ulisimama mti wa ujuzi wa mema na mabaya. Mti huu ulikuwa umekusudiwa na Mungu kuwa mahususi kwa ajili ya ahadi ya utiifu, imani na upendo Kwake Yeye. Bwana alikuwa ameagiza kwamba matunda ya mti huu, wazazi wetu wa kwanza haikupasa wale, wala kuyagusa, wasije wakafa...

Wakati Adamu na Hawa walipowekwa kwenye ile bustani nzuri, walikuwa na kila kitu ambacho kingewapatia furaha kama ambavyo wangetamani. Lakini Mungu alichagua kwa mpangilio kwa hekima Yake ipitayo zote, kujaribu utiifu wao kabla ya kupewa usalama wa milele. Iliwapasa wawe na kibali Chake, Naye alikuwa azungumze nao, nao pamoja na Naye. Licha ya hivyo, hakuweka uovu mbali sana kiasi cha wao kutoufikia. Shetani aliruhusiwa kuwajaribu. Kama wangelishinda jaribu, wangekuwa katika fadhila za kudumu za Mungu na malaika Wake wa kimbingu....

Iliamuliwa katika baraza la mbinguni kwamba malaika wamtembelee Adamu na kumwonya Adamu kwamba alikuwa katika hatari ya kuanguka. Malaika wawili waliharakisha njia yao kwenda kutembelea wazazi wetu wa kwanza.

Walimwambia Adamu na Hawa kwamba Mungu hangeweza kuwalazimisha kutii, kwamba Hakuwa ameondoa kwao uwezo wa kwenda kinyume na mapenzi Yake, kwamba walikuwa mawakala wa maadili, huru kutii au kutokutii.

Walizoea kuwaambia kwamba Shetani alikusudia kuwadhuru, na ilikuwa muhimu kwao kulindwa, kwani wangeweza kuja kwenye mawasiliano na adui aliyeanguka; lakini hangeweza kuwadhuru walipotii amri ya Mungu, kwa maana, ikihitajika, kila malaika kutoka mbinguni angekuja kuwasaidia badala ya yeye kufanya nao madhara yoyote....

Malaika waliamuru wafuate kwa karibu maagizo ambayo Mungu alikuwa amewapa kuhusu mti wa ujuzi, maana katika utii kamili wangekuwa salama na adui aliyeanguka hangekuwa na uwezo wa kuwapotosha. Mungu asingemruhusu Shetani awafuate mara kwa mara kwa majaribu. Angekuwa na ufikio kwao tu katika mti wa ujuzi wa mema na mabaya.

Adamu na Hawa waliwahakikishia malaika kwamba kamwe wasingeivunja amri ya wazi ya Mungu, kwa kuwa ilikuwa ni furaha yao kuu kufanya mapenzi Yake. Malaika waliungana na Adamu na Hawa katika nyimbo takatifu za muziki wenye upatanifu, na wakati nyimbo zao zilipotoka kutoka Edeni yenye furaha, Shetani alisikia sauti ya nyimbo zao za sifa za furaha za kumtukuza Baba na Mwana. Na Shetani aliposikia, wivu, chuki na uovu wake uliongezeka, na akaeleza dukuduku lake kwa wafuasi wake ili wawachoehe (Adamu na Hawa) kutokutii, na washushe ghadhabu ya Mungu juu yao mara moja, na kubadilisha nyimbo zao za sifa kuwa chuki na laana kwa Muumba wao (The Story of Redemption, 24-31).